

Sarajevo, 20. 11. 2017 godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 60/17-P od 09.11.2017. godine, u postupku javne nabavke br. 60/17-P „**Oprema za aktivni nadzor protoka, pritiska i gubitaka u zoni vodosnabdjevanja Dobrinje**“ donosi se :

### **O D L U K A**

o poništenju postupka javne nabavke

#### **Član 1.**

Poništava se postupak javne nabavke broj 60/17-P za nabavku roba: „**Oprema za aktivni nadzor protoka, pritiska i gubitaka u zoni vodosnabdjevanja Dobrinje**“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

#### **Član 2.**

Ova odluka objavit će se na web stanici : [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### **Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj : 60/17-P od 07.09.2017. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 90.000,00 KM.

Obavještenje o nabavci broj: 247-1-1-152-3-207/17 poslato je na Portal javnih nabavki dana 11.09.2017.godine, a sažetak Obavještenja o nabavci je objavljen u Sl. glasniku BiH broj 67. od 15.09.2017.godine.

Komisija za javnu nabavku imenovana je Rješenjem br. 293/16 od 03.11.2016.godine, dopunskim Rješenjem članova komisije broj 60/17-P-1 od 07.09.2017.godine.

Komisija za javnu nabavku dostavila je dana 15.11.2017.g. Preporuku o poništenju postupka javne nabavke za nabavku roba : „**Oprema za aktivni nadzor protoka, pritiska i gubitaka u zoni vodosnabdjevanja Dobrinje**“ – tender broj 60/17-P.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda : dvije (2) ponude „VmS group“ d.o.o. Sarajevo i „Bihexo“ d.o.o. Sarajevo

- da su blagovremeno zaprimljene: dvije (2) ponude „VmS group“ d.o.o. Sarajevo i „Bihexo“ d.o.o. Sarajevo

- da nije bilo neblagovremeno zaprimljenih ponuda,

- Da dostavljene ponude ponuđača : „BIHEXO“ d.o.o. Sarajevo i „VmS group“ d.o.o. Sarajevo ispunjavaju zahtijevane tenderske uslove prema obliku i potpunosti u smislu pripreme ponude.

- Da dostavljene ponude ponuđača : „BIHEXO“ d.o.o. Sarajevo i „VmS group“ d.o.o. Sarajevo ispunjavaju kvalifikacione uslove obzirom na iskazane zahtjeve ugovornog organa u tenderskoj dokumentaciji.

- Pregledom ponuda ponuđača „BIHEXO“ d.o.o. Sarajevo i „VmS group“ d.o.o. Sarajevo, od strane stručnih lica za predmetnu nabavku je konstatovano sljedeće :

- Ponuđač „BIHEXO“ d.o.o. Sarajevo za stavku broj 45 iz specifikacije nije dostavio zahtijevani dokument : Metodologija izvođenja Pilot projekta „Monitoring isticanja na vodovodnoj mreži putem senzora šuma na dijelu vodovodne mreže u zoni Dobrinja, a koji je zahtijevan tenderskom dokumentacijom.
- Ponuđač „VmS group“ d.o.o. Sarajevo za stavku broj 45 iz specifikacije nije dostavio zahtijevani dokument : Metodologija izvođenja Pilot projekta „Monitoring isticanja na vodovodnoj mreži putem senzora šuma na dijelu vodovodne mreže u zoni Dobrinja. Za stavke od 23 do 26 specifikacije naveo je proizvođača KOLK Holandija a za iste je priložio izvod iz kataloga AVK (strana 72,73 ponude). Konstatovano je i da navedeni ponuđač u specifikaciji, koja je sastavni dio Obrasca za cijenu ponude – Aneks III, Prilog 2., nije popunio kolonu „Standard-kvalitet kataloška oznaka“ i time nije postupio u skladu sa tačkom 20. tenderske dokumentacije „Obrazac za cijenu ponude“ a u okviru koje je navedeno i sljedeće : *„Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.“*

Obzirom na navedeno, konstatovano je da ponude ponuđača „BIHEXO“ d.o.o. Sarajevo i „VmS group“ d.o.o. Sarajevo ne ispunjavaju zahtjeve ugovornog organa koji su traženi tenderskom dokumentacijom, zbog čega se ponude ovih ponuđača smatraju neprihvatljivom i ista se odbacuje.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, utvrđeno je da su ispunjeni uslovi iz člana 69. stav 2. tačka d) ZJN za poništenje postupka javne nabavke, za predmetnu nabavku roba : **Oprema za aktivni nadzor protoka, pritiska i gubitaka u zoni vodosnabdjevanja Dobrinje** “ – tender broj 60/17-P

U postupku predmetne nabavke utvrđeno je da nijedna od primljenih ponuda nije prihvatljiva, čime su se stekli zakonski uslovi za poništavanje postupka javne nabavke.

Iz gore navedenih razloga, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

#### **Pouka o pravnom lijeku:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

-Ponudaču

-a/a

Se  
Muzur  
Duzur



v.d.Direktor

Azra Muzur, dipl.inž.grad.